

**Državna regulatorna agencija za radijacijsku i nuklearnu sigurnost, ID: 4201357350000 UI.** Hamdije Čemerlića br.2, 71000 Sarajevo, koga zastupa direktor, Emir Dizdarević, (u daljem tekstu:Kupac), s jedne strane

i

**TeleNet d.o.o.**, Hamdije Čemerlića 35, 71000 Sarajevo, koga zastupa Mirsad Kukuruzović, direktor (u daljem tekstu Prodavac) zaključili su

## **UGOVOR ZA NABAVKU LICENCE ZA MREŽNU INFRASTRUKTURU**

### **PREDMET UGOVORA**

#### **Član 1.**

Predmet ugovora je nabavka licence za mrežnu infrastrukturu za potrebe Državne regulatorne agencije za radijacijsku i nuklearnu sigurnost, u skladu sa dostavljenom Ponudom br.U-0112/17 od 27.07.2017. godine i uslovima iz ponude koju je Kupac, na osnovu Odluke o izboru najpovoljnijeg ponuđača, prihvatio. Ponuda i uslovi iz ponude su sastavni i neodvojivi dio ovog Ugovora.

### **VRIJEDNOST UGOVORA**

#### **Član 2.**

Kupac i Prodavac usluga su saglasni da ovaj Ugovor realiziraju prema već definisanim uslovima u tenderskoj dokumentaciji i odabira najpovoljnijeg ponuđača.

Prodavac isporučuje, a Kupac kupuje opremu prema opisu, količinama i cijenama u skladu sa potrebama Kupca.

Ukupna ugovorena cijena usluge sa PDV-om ovog ugovora iznosi **3,194.10 KM** (slovima: trihiljadestotinudevedesetčetiri i 10/100 )

### **REALIZACIJA UGOVORA I ROK ISPORUKE**

#### **Član 3.**

Prodavac se obavezuje da će u skladu sa čl. 2 ovog Ugovora izvršiti usluge odmah po potpisivanju ugovora a najkasnije 21 (dvadesetjedan) dan od dana stupanja na snagu ovog Ugovora na ugovorenu lokaciju, sa pratećom dokumentacijom potpisanom od strane ovlaštene osobe Kupca kao potvrda da je oprema primljena. U protivnom, Kupac neće biti obavezan izvršiti plaćanje isporučene usluge. Prodavac se obavezuje isporučiti opremu tačno kako je navedeno u ponudi.

#### **Član 4.**

Kupac se obavezuje dati reklamaciju u vezi kvaliteta kupljene opreme u roku od sedam dana od dana dostave iste, u protivnom se gubi pravo na naknadne reklamacije.

### **GARANCIJA KVALITETE**

#### **Član 5.**

Prodavac se obavezuje da će svu opremu i konfiguraciju po uslovima utvrđenim u ponudi izvršiti odgovorno i profesionalno u skladu sa zakonskim propisima koji se odnose na ovaj vid usluge te da ispunjavaju sve uslove navedene u ponudi. Prodavac se obavezuje na garantni period u trajanju od 12 (dvanaest) mjeseci od dana isporuke usluge.

## FAKTURIRANJE I NAČIN PLAĆANJA

### Član 6.

Prodavac će ispostaviti fakturu po završenom kompletnom poslu ,dostavi i instaliranju ,potvrđenom od strane Kupca, i to najkasnije u roku od 30 dana od dana izvršene usluge.

Plaćanje faktura za isporučenu robu Kupac će vršiti u roku od 30 dana od dana prijema fakture.

## VIŠA SILA

### Član 7.

Ugovorne strane su saglasne da se u slučaju prekoračenja rokova izvršenja obaveza zbog razloga koji se ugovornim stranama ne mogu staviti na teret (razlozi više sile), rokovi izvršenja Ugovora produžavaju za vrijeme trajanja tih razloga. Ugovorna strana je obavezna da obavijesti drugu ugovornu stranu u roku od sedam dana od nastanka više sile.

## ZAVRŠNE ODREDBE

### Član 8.

Sve eventualne sporove, ugovorne strane će rješavati sporazumno, u duhu dobrih poslovnih odnosa i uzajamnog povjerenja. Ukoliko ne bude moguće sporazumno rješenje nastalih sporova, isti će biti riješeni putem Suda Bosne i Hercegovine.

### Član 9.

Prodavac nije ovlašten da zaključuje podugovore sa drugim licima u cilju realizacije ugovorenih obaveza.

### Član 10.

Kupac zadržava pravo jednostranog raskida Ugovora u bilo koje vrijeme, o čemu pismeno obavještava Prodavaca.

### Član 11.

Za sve odnose i institute koji nisu utvrđeni ovim ugovorom, primjenjivati će se odgovarajuće odredbe Zakona o obligacionim odnosima.

### Član 12.

Ovaj ugovor stupa na snagu danom potpisivanja od strane ovlaštenih lica ugovornih strana.


### Član 13.

Ovaj ugovor sačinjen je u 4 (četiri) istovjetna primjerka, od kojih po 2 (dva) zadržava svaka od ugovornih strana.

Prodavac  
  
Mirsad Kukuruzović  
Direktor



Broj: 233/17  
Datum: 10.08.2017.



Broj: 04-16-15-888/17  
Datum: 10.08.2017.